

քերն յայանի կերելին, սակաւ ինչ մնացորդներն ևս կարևորութենէ զուրկ չեն:

Առջա տապանաքարերն 3—4 հազար կան, որք մեծ մասամբ անծանօթ են ժողովրդեան:

Գերեզմանատան միջէն ճանապարհ մի անցած է, աջ ու ձախ բաժանուած է գերեզմանատունս:

Այս ճանապարհի վերայ եկեղեցւոյ մի որմի հիմնաքարերը կերելին, ըստ աւանդութեան հռչակաւոր Ս. Կիրակոսի վանքն էր սա և հրաշագործ: Արջ մի կը ծառայէր այս վանքին և հաց երբ թխուէր, տաք տաք կը հասցնէր Ս. Վարդեհէր եղած միաբանութեան, որով այդ տեղ դտնուած միաբանութիւնը որ տարւոյն մեծ մասն ձեան կոյտերու միջավայրը կը մնայր, անխամ չմնայ ¹:

Այս եկեղեցւոյ հարաւն քիչ հեռի, կայ մի առատաբոխ և սառն աղբիւր, որ կրնկնի գերեզմանատան արեւմտեան հարաւային եզրն: Ամբան ժողովուրդն այս աղբիւրից խմելու ջուր կը բերեն էշերով: Համբարձման սորա մօտ կը հաւաքուի ժողովուրդը, կը պարեն, ձի կը խաղցնեն, և դարնան ամեն կիւրակէ զբօսավայր է:

Գերեզմանատան աղբիւրի քիչ բարձրն, եկեղեցւոյ և աղբիւրի միջավայրը կայ մի քարակոյտ, որ Աոյս Թանու մի նշխարաց վայրն է, որ 1730—35 թուականներուն նահատակուած է անտանելի չարչարանօք:

Գերեզմանատանս ամենաբարձր գիրքի վերան կանգ-

1. Սրբոյն Բաթլոյ և Վարոսի վանքը Վիշապաձորն է, պատմութենէ կերելի թէ որոյ կալուածներն Բագրևանդայ էին, մէջ սահմանէն մի ժամ ի հիւսիս կրնկնի, է մեծ ուխտատեղի, Վարդավառին ամեն կողմէ ուխտաւորներ կը հաւաքուին: